



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj: 52/25) člana 5. Pravilnika o sufinansiranju odlaska mladih sportista sa područja Općine Centar Sarajevo na internacionalna takmičenja („Službene novine Kantona Sarajevo“, broj: 7/25) i Odluke o pokretanju postupka raspisivanja i provođenje Javnog poziva broj: 13-11-192/26 od 26.01.2026. godine, Općinski načelnik upućuje

JAVNI POZIV za sufinansiranje odlaska mladih sportista sa područja općine Centar Sarajevo na internacionalna takmičenja

I OPIS PROGRAMA

U cilju ostvarivanja javnog interesa iz oblasti sporta, podsticanje sportskog razvoja, vrhunskih rezultata i promocije sporta kao važnog segmenta društvenog razvoja, Općina Centar Sarajevo planirala je sredstva u Budžetu Općine Centar za 2026. godinu za sufinansiranje odlaska mladih sportista, u ukupnom iznosu od 20.000,00 KM. Općina zadržava pravo da izmijeni / uskladi iznos planiranih sredstava u skladu sa izmjenama budžetskih dokumenata u toku godine.

Novčana podrška za aktivno učešće u takmičarskim procesima ima za cilj razvoj sportiste, omogućavanje učešća u važnim sportskim događajima, a u cilju ličnog razvoja kao i ostvarivanja javnog interesa kroz jačanje pojedinaca u sportu.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstva mogu ostvariti pojedinci koji ispunjavaju sljedeće uslove:

- a) Da je državljanin Bosne i Hercegovine;
- b) Da ima prebivalište na području općine Centar u trajanju od minimalno godinu dana do dana podnošenja zahtjeva;
- c) Starosne dobi od 15 do 30 godina;
- d) Aktivno učestvuju u trenažnim i takmičarskim procesima.

II TRAJANJE JAVNOG POZIVA

Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstva za ovu namjenu.

Zahtjeve za ostvarivanje prava podnose mladi sportisti koji planiraju odlazak na takmičenje na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

III KRITERIJI ZA IZBOR KANDIDATA IZNOS SREDSTVA:

U skladu sa ovim Pravilnikom sredstva će se dodijeljivati za sufinansiranje troškova prijevoza, smještaja sportista, plaćanje troškova kotizacije za takmičenje, plaćanje troškova vize i/ili za troškove ishrane sportiste u vrijeme trajanja takmičenja.

Sredstva člana će se dodijeljivati jednom u toku kalendarske godine, na sljedeći način:

- a) U neto iznosu **do 500,00 KM** za odlazak na takmičenja u zemlje regiona (Crna Gora, Srbija, Kosovo, Albanija, Sjeverna Makedonija, Hrvatska i Slovenija);
- b) U neto iznosu **do 700,00 KM** za odlazak na takmičenja u ostale zemlje Europe;
- c) U neto iznosu **do 1.000,00 KM** za odlazak na takmičenja u druge zemlje, a koje nisu definisane u stavovima a) i b) ovog člana.

IV POTREBNA DOKUMENTACIJA:

Podnosioci zahtjeva na konkurs obavezni su dostaviti sljedeće dokumente (original ili kopije):

- d) Uvjerenje o kretanju za sportistu;
- e) Potvrda kluba da je sportista aktivan član;
- f) Dokaz o učešću na takmičenju izdat od strane organizatora takmičenja, matičnog kluba ili sportskog saveza – potvrda ili uvjerenje;
- g) Dokaz da troškove odlaska na sportsko takmičenje u cjelosti ne snosi organizator takmičenja, matični klub, sportski savez, drugi nivoi vlasti ili sportski sponzori – potvrda, uvjerenje ili izjava podnosioca zahtjeva;
- h) Pregled troškova odlaska na takmičenje potpisan od strane podnosioca zahtjeva;
- i) Potvrda o otvorenom računu u banci

V NAČIN DODJELE NOVČANIH SREDSTAVA

Pristigle zahtjeve će razmatrati Služba za obrazovanje, društvene djelatnosti, kulturu i sport. Služba će u roku od 7 (sedam) dana od dana prijema zahtjeva utvrditi da li su ispunjeni kriteriji za dodjelu sredstava, te obavijestiti podnosioca zahtjeva.

Na obavijest kandidati mogu u roku od 8 (osam) dana od dana prijema iste, podnijeti pismeni prigovor Komisiji. Komisiju imenuje Općinski načelnik iz reda državnih službenika.

Odluku o prigovoru, Komisija će donijeti u istom roku, računajući od dana njegovog podnošenja.

Svaki član Komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport (u daljem tekstu: Služba) elektronskim putem na email: mladi@centar.ba, preporučeno putem pošte ili na protokol Općine Centar Sarajevo, ulica Mis Irbina 1.

Zahtjev se podnosi najmanje deset (10) dana prije odlaska na aktivnost koja se finansira i može se aplicirati samo jednom u toku kalendarske godine.

Za sve dodatne informacije zainteresovana lica mogu pozvati broj **telefona 033/562-384**.

Javni poziv će biti otvoren tokom cijele 2026. godine, odnosno do utroška sredstava planiranih za ovu namjenu.

OPŠTINSKI NAČELNIK

Srđan Mandić